

SEPEDI LELEME LA TLALELETŠO MAEMO A GO LEKANELA (Lephephe la Boraro) 929-2/3 L	2
-----------------------------------------------------------------------------------------------	----------

**KGORO YA THUTO YA GAUTENG
TLHAHLOBO TŠA MAREMATLOU**

**SEPEDI LELEME LA TLALELETŠO
MAEMO A GO LEKANELA
(Lephephe la Boraro)**

FEB / MAR 2006

NAKO: diiri tše 2

MEPUTSO: 80

DITAELO

- Tlhahlobo ye e na le dikarolo tše tharo A, B le C.
- Bala dipotšišo ka moka ka šedi pele o thoma go ngwala.
- Araba dipotšišo ka mo o laetšwego
- Nomora dikarabo tša gago bjalo ka dipotšišo tša tšona.
- Šomiša polelo ya maleba mabakeng ka moka.

**KAROLO YA A
DITAODIŠO**

POTŠIŠO 1

Kgetha e TEE ya dihlogo tše di latelago gomme o ngwale taodišo ya botelele bja letlakala le TEE ka yona.

- 1.1 Afrika-Borwa e itemogetše maemo a mašoro a komelelo gomme seo se gakatšša maemo a ekonomi.

Hlogo: Komelelo e phuhlamiša ekonomi ya naga.
- 1.2 Ngwala taodišo ye e felelago ka mantšu a:
Ke lahlile, mmane nka se sa tsoga ke mmoditše taba.
- 1.3 Mokete wa lenyalo wo nkilego ka ba go wona.
- 1.4 Tšhomišo ya tšhelete ye mmušo o fago bana ba go hloka botatagobona.
- 1.5 Naga ye botse e bopša ke bafsa ba yona / Bafsa ga ba na kabelo go bopeng ga naga ye botse.

PALOMOKA YA KAROLO YA A: [40]

KAROLO YA B
DINGWALWANA

POTšišo 2

Kgetha se TEE sa dingwalwana tše di latelago gomme o ngwale ka sona. Botelele bo tla laolwa ke dinyakwa tša sengwalwana se sengwe le se sengwe.

2.1 Go hloka mešomo ke tlhobaboroko ka mono Afrika-Borwa. Thato le Theko ba logišana maano a go ithomela kgwebo.

Thato: Monna Theko, ka ge re na le tšhengwana ya merogo le ditamati tše dibotse, re ka di rekiša kua faporiking ya go dira dijo tša ka malekaneng.

Theko: Mogwera, wena ebile o be o ithuta dithuto tša kgwebo ge re dira marematlou.
Lepokisi la ditamati re ka le bitša R20.00. Letšatši le lengwe re ka ikhwetša re balwa le borakgwebo, go tseba mang?

Tšweleletša **poledišano** ye ya bona pele.

2.2 Sehlopha sa Bafanabafana se lahlegetšwe diphadišanong tša sebjana sa Afrika.

Ngwalela mogwera wa gago Matome e lego mokapotene wa sehlopha **lengwalo** o mo kgothatše gore a se felelwe ke maatla.

2.3 Komiti ya go lokišetša moletlo wa mafelelo a ngwaga wa baiuthuti ba Marematlou e be e swere kopano ka letšatši la di 27 Agostose 2004.

Ngwala **metsotso** ya kopano yeo ka botlalo.

PALOMOKA YA KAROLO YA B: [20]

KAROLO YA C
DINGWALWANA

POTšišo 3

Kgetha e TEE ya dihlogo tše di latelago gomme o ngwale ka yona. Botelele bo tla laolwa ke dinyakwa tša sengwalwana se sengwe le se sengwe.

3.1 Le tlile go swara diphadišano tša ngwaga ka ngwaga kgwedi ye e latelago tša mmino wa setšo.

Romela dikolo tše le tlilego go phadišana le tšona **fekese** go ba botša ka phadišano yeo.

SEPEDI LELEME LA TLALELETšo MAEMO A GO LEKANELA (Lephephe la Boraro) 929-2/3 L	4
-----------------------------------------------------------------------------------------------------------	----------

3.2 Mogwera wa gago o re tlogetše / hlokofetše. Ngwala **ka tša bophelo bja gagwe**.

3.3 Ariel Meso o go kgopetše gore o mo rekišetše ngwako.

Bapatša ngwako wo mo kuranteng gore batho ba tsebe ka ga **papatšo ye**.

3.4 Thala **postara** ye e laeditšwego ke le lengwe la mafapha a thuto leo le go kgahlilego.

Šomiša dintlha tše di latelago:

3.4.1 Lefelo leo ngwako o agilwego go lona.

3.4.2 Bogolo bja ngwako.

3.4.3 Theko ya ngwako.

3.4.4 Ngwako o kgauswi le dikolo le mabenkele-

3.4.5 Ke mang yo a rekišago ngwako?

PALOMOKA YA KAROLO YA C: [20]

PALOMOKA: 80